



O rexedor de Verín, Juan Manuel Jiménez, e o director da UNED en Ourense, Jesús de Juana, entregaron os diplomas do curso 'Mediación e xestión de conflitos', organizado polo centro asociado da Universidad Nacional a Distancia (UNED) en Ourense e o departamento de Educación Familiar do Concello de Verín.

Durante o acto, no que tamén participaron Tiberio Feliz e Miguel Guerra, director e coordinador do curso respectivamente, o alcalde recordou que esta acción formativa contou con 104 alumnos/as matriculados, e que “foron uns meses nos que tivemos a oportunidade de contar con grandes relatores, de todos os campos educativos, sociais e xurídicos, e nos que puidemos aprender moito, acerca das distintas formas de resolución de conflitos, como alternativa ás solucións máis convencionais que ofrece a xustiza ordinaria”.

O alumnado que non asistiu ao acto de entrega de diplomas pode recoller o mesmo no departamento de Educación Familiar do Concello de Verín (Avda. de Portugal, 11 bis).

O curso 'Mediación e xestión de conflitos' tivo por obxecto identificar e valorar os factores que inflúen na orixe, desenvolvemento e resolución do conflito; así como coñecer e valorar estratexias, técnicas e programas para a solución do conflito. Entre as actividades realizadas ao longo do mesmo atopáronse relatorios sobre saúde mental en adolescentes, bullying e mediación, internet e as novas tecnoloxías; así como obradoiros de novas tendencias no tratamento con drogas nos adolescentes, prevención e abordaxe de conflitos mediante a práctica da mediación, introdución ao coaching, crecemento en autoestima e comunicación familiar, ou bullying, mediación e violencia en imaxes.